



24. juli 2025

Inatsisartut ingerlatsinermut maleruagassaasa § 37 imm. 1 tunngavigalugu matumuuna ukunannga Naalakkersuisunut apeqquteqaateqarpunga.

Naalakkersuisunut apeqquteqaatit:

- 1. Meeqqat atuarfianni killiffissiuinerit (trintest) atorunnaarneqarnissaat Naalakkersuisut siunertaraat?**
 - a. Killiffissiuinerit (trintest) atatiinnarnissaannut imaluunniit atorunnaarsinneqarnissaannut Naalakkersuisut suut pitsaaqutitut ajoqutaasutullu isigaat?**
- 2. Naalakkersuisut eqqarsaatersuuteqarnerlutik killiffissiuinernut (trintest) allanik atuilernissaq soorlu assersuutigalugu suliat aallaavigalugit nalilersuinerit, suliaminnik katersuivii imaluunniit ilinniartitsisut nalilersuineri?**
- 3. Suut pilersaarutit pingaarnertut Naalakkersuisut pilersaarutigaat meeqqat atuarfianni naliliinermut- aamma pitsaassutsimut naliliinerit pitsanngorsarnissaannut?**
- 4. Naalakkersuisut paasissutissiissutigisinnaanerpaat suliniutit aallartinneqarsimasut, atuartitsinerup pitsaassusaata nukittorsarnissaanut aammalu qulakkeerlugu, atuartut pissarsiaat isumalimmik takussutissiissutigineqarnissaat?**
- 5. Naalakkersuisut oqaluuserisamut soqutiginaatilinnik allanik paasissutissiisinnaanerlutik?**

(Inatsisartunut ilaasortaq Jørgen Rosbach, Demokraatit)

Tunngavilersuut

Killiffissiuinerit (trintest) ullumikkut pingaarutilittut sakkuupput meeqqat atuarfianni atuartut fagitigut piginnaasaannik naliliinissamut, aammali allanik periuseqarpoq atuartut pissarsiaanik naliliissutaasinnaasunik. Suliat aallaavigalugit sulineq, ilinniartitsisut naliliineri imaluunniit sulianut katersuivii aallaavigalugit, atuartut suliaat piffissat ingerlanerani naliliinermut tunngaviusinnaapput. Taamaattumillu pissusissamisoorpoq paasissallugu, Naalakkersuisut killiffissiuinerit (trintest) atorunnaarnissaat isummersuutigineraat periutsinillu allanik eqqussillutik.

Pingaartuuvog, atuartut fagitigut ineriartornerata nalilersornerata atuartitsinermut ikorfartuutaanissaa aammalu ilinniartitsisut, angajoqqaat aalajangiisartullu qajannaatsumik najoqqutassillugit meeqqat atuarfiata pitsaassusaanik qaffaasanissamut. Naalakkersuisut pilersaarutaasa paasina qularnaareqataasinnaavoq, sakkut pitsaanerpaat atorneqarnerannut atuartut ilikkarnissaannut ineriartornerannullu malinnaanissamut.



Apeqqutegaatima ullut suliffiusut qulit iluanni akineqarnissaat qilanaaraara.